

ԺԲ. Հրաւէր ժողովրդոց Չամախույ թեմի, տպած 1893 թուին, Բագու:

ԺԳ. Իսկ լրագրական յօդուածներ, գրուածներ և այլն, հարիւրաւոր, սկսած 1860 թուէն, զանազան առարկայից վերաբերութեամբ այլ և այլ լրագրաց մէջ տպած զոր օրինակ՝ *Համբաւաբեր Ռուսիոյ, Ծոպաղ, Արարատ ամսագիր և այլն:*

ԺԴ. Իսկ իմ պաշտօնական տօմարից երևում է, որ յընթացս քսան և չորս տարուայ (1872 1896) եպիսկոպոսութեանս՝ հրամանաւ երջանկայիշատակ Տ. Գէորգ, Մակար և Մկրտիչ կաթողիկոսաց և առաւելապէս Սինօղի Ս. Էջմիածնի, ձեռնադրութեամբ տուել եմ հայոց եկեղեցւոյն 11 վարդապետ, 107 քահանայ, 12 սարկաւազ և 56 չորս աստիճանաւոր դպիր, ընդ ամենն 186 եկեղեցական պաշտօնեայ, որոց ձեռնադրութեան միջոցին միշտ յիշել եմ Գօղոս Առաքելոյ այն խօսքերը, որք վերաբերում են եկեղեցական պաշտօնէից ինն դասակարգութեանց, որ ասէ. «Զորս եղ Աստուած յեկեղեցւոջ, այս են. նախ՝ զԱռաքեալս, երկրորդ՝ զՄարգարէս, երրորդ՝ զՎարդապետս, ապա՝ Զօրութիւնս, ապա՝ Ընորհս բժշկութեանց, Օգնութիւնս, Վարիչս, Ազգս լեզուաց, Թարգմանութիւնս լեզուաց» և այլն:

«Միթէ ամենեքին Առաքեալք իցեն, միթէ ամենեքին Մարգարէք իցեն, միթէ ամենեքին վարդապետք իցեն, միթէ ամենեքին շնորհս բժշկութեան ունիցին, միթէ ամենեքեան ի լեզուս խօսիցեն, միթէ ամենեքեան թարգմանիցեն». Ա. Կորնթ. ԺԲ. 28, 29 և 30 և Եփես. Դ. 11: Եւս և թէ. «Այլ ի տան Մեծի ոչ են միայն անօթք ոսկեղէնք և արծաթեղէնք, այլ և խեցեղէնք և փայտեղէնք». Տիմօթ. Բ. 20 ևն:

Այլ և յընթացս 24 ամաց, հրամանաւ Սինօղի օծել եմ զանազան տեղերում 27 եկեղեցիք, ի թիւս որոց և Սաղիանի